

आदिवासी जनजातिकादेसे ठ्वाड्बा रेडियो गेदिमकादेदा लागिरी कोरोना भाईरस अर्थात्
कोभिड-१९ महामारी विपद् काबालाफिरी बिबा छ्योओी

Cultural Survival

तामाडः



ON AIR





जाम्बुलिङ क्योङरीन आदिवासी जनजातिकादेसे कोरोना भाइरस अर्थात् कोभिड १९ ला ग्रेन दुःडाल नाःतोबा मुला । कल्चरल सर्भाइभलसे सामुदायिक रेडियो देन सञ्जालकादेग्याम चु दुःडालग्याम ह्युल्बादा सोना लाबारी दात्तेला चुराङ्बा दुओरी खाराङ्बा गे लातोला बिदासी ल्होलो गे लासी टिबा मुला । चुराङ्बा दुओरी खाराङ्बा गे लामा ह्युल्बाला ल्हुओी सोना लाबारी खाम्ला बिबा ह्वाङ्बा तामसोर, सान्युर, थेनीकादेसे पाङ्बा लाबा ओम गोबा ग्योओरी दोन्दासी ह्युल देन ह्युल्बादा पोबारी सामुदायिक रेडियोसे ग्रेन गे लाबारी खाम्ला । सामुदायिक रेडियो आदिवासी जनाजातिदा लागिरी थेनीकादेला आत्मनिर्णयला अधिकार, ताम पाङ्बारी म्याङ्बाला अधिकारचे आहिन ह्युल्बादा दोन्नोन तोबा सान्युर दोन्बादा लागिरी ग्रेन माध्यम तासी टिबा मुला । थेतासी बिबा मुला ज्ञाननोन बाङ् हिन्ना । आदिवासी जनजातिकादे सामुदायिक रेडियोग्याम याङ्बा सान्युर, तामसोरग्याम छोर्बान निबा मुला ।

G. K. Sugam

गलिना अङ्गारीमा
कार्यकारी निर्देशक
कल्चरल सर्भाइभल



गी. उद्देश्य

चु छ्योओीला ग्रेन उद्देश्य
आदिवासी जनजाति सञ्चारकर्मीकादेदा
कोरोना भाईरस अर्थात् कोभिड-१९
महामारीला दुःडालदा काबा
गेरी ह्यो लाबारी हिन्ना ।

डिह. लक्षित मिह

चु कोरोना भाईरस अर्थात् कोभिड-१९
महामारीला दुःडालरी जाम्बुलिडला आदिवासी
जनजातिकादेसे स्हेड्बा रेडियो गेदिमरी गे लाबा
रेडियोकर्मी, आदिवासी सञ्चारकर्मी देन रेडियो गेदिम
ट्वाड्बा मिहकादे खाराड लादासी सुरक्षित
ताबा बिबा स्हेरी केन्द्रीत स्रोत
छ्योओी हिन्ना ।

पृष्ठभूमि

जाम्बुलिडला म्हिकादे दात्ते कोरोना भाईरस अर्थात् कोभिड-१९ ला दुःडालरी मुला । चु भाइरसला फिरी स्वास्थ्य विशेषज्ञकादेसे दात्तेदोना चुल्ला मन तेबारी खाम्बा आरे । चु भाइरस जाम्बुलिडला बेनान ह्युलकादेरी महामारीला रुपरी दोबा मुला । कोरोना भाइरससे जाम्बुलिडला ल्हानान म्हिला ल्हुआ किन्सी जिन्बा मुला । जाम्बुलिडला न्होरतन्त्रदा न्होड्ना लाबान बोर्बा मुला । चुराड्बा दुःडालला दुआरीरी ह्याडसे जाम्बुलिडला आदिवासी जनजातिकादेदा ताबारी खाम्सेदा दुःडालकादेदा च्याडना ताना लाबान थेनीकादेदा छोर्वा खना लाबा गोर्कि अवसरएनोन हिन्ना बिदासी किन्बा मुला ।

जोखिमला ताम लामा, ह्याड्से आदिवासी जनजातिकादेरी स्वास्थ्य सेवा, ज्याबा थुड्बा क्युआ आयाड्बाला छ्यामरी आदिवासी जनजातिकादेसे गोबा ग्योआरीरी कोरोना भाइरस अर्थात् कोभिड-१९ महामारीलाफिरी तोबा सान्युरकादे आयाड्बा मुला । ज्याबा ताम लातोमा, आदिवासीकादेला द्वाडलान ठिमकादे मुला । थेठिमकादेला ताम लातोमा ह्याड्से पाड्बारी खाम्ला, द्वाडलान सोल्बा छ्योआबा स्हेला ठिम, मन लाबा दाडबो ह्यान्देला ग्रेन ज्ञान, थेला छ्यामरी आदिवासी जनजातिकादे स्यान हुआबाला म्हिकादेबिमा ग्लागीरीन स्युबा आर्कु ठिमए मुला ।

चु महामारीला दुआरीरी आदिवासी जनजातिकादेसे स्हेड्बा सञ्चारमाध्यमकादेसे ग्रेन गे लासी टिबा मुला । चु जाम्बुलिडरीन तासी टिबा दात्तेला दुःडालला दुआरीरी तामसोर देन सान्युरकादेरी गोर्किन, देन्बा ओम हिन्बा, आदिवासी जनजातिकादेसे गोबा ग्योआरीरी दोन्बारी खाम्तोला । थेतासी, कोरोना भाईरसला दुडालला दात्तेला दुआरीरी आदिवासी जनजातिकादेला सुरक्षादा लागिरी कल्चरल सर्भाइभलसे आदिवासी जनजाति सञ्चारकर्मीसे क्लाड्तोबा गे देन थेनीकादेला सुरक्षादा सेम पिन्दासी चु छ्योआ ब्रिबा हिन्ना ।

चु छ्योआ बो डिहरी फेबा मुला । गीक्छा बोरी कोभिड-१९ महामारी काःबारी रेडियोरी गे लाबाकादेला भूमिका, सुरक्षा देन थेन्से लातोबा सावधानीकादे ब्रिबा मुला । डिहाछा बोरी आदिवासी जनजातिदा जिम्मेवार तासी महामारीलाफिरी म्हिसे चु सान्युरचा देन्बान हिन्ना होइ बिबा देन तोबा स्हेकादे स्हेड्बा ओम सम्प्रेषणला फिरी ब्रिबा मुला ।

ह्राड नाम्सा दिमरी
मुबा ह्युल्बाला
गुड्डी गै लाबारी
सेबान मुला बिसाम
सम्बन्धित म्हीदेन
ह्युल्बासे तैन्बा ठिम,
स्यान नियमकादेदा
ज्याना लासी गौसी
गै लास्युगौ । चु
ह्राडला सुरक्षित ताबा
खाप्पाभीबिमा गिक्छा
ग्याम हिन्ना ।



- गी.गी ह्राड सुरक्षित ताबा रेडियोकर्मीकादेला गीक्छा गे हिन्ना ।
- ☞ **रेडियोरी गे लाबा बेनान सुरक्षित ताबा गेताड :** विश्व स्वास्थ्य संगठन, संघीय देन स्थानीय सरकार ओम स्वास्थ्यकर्मीकादेसे पिन्बा सुभावदा किन्बान ह्राडनिसे रेडियोरी गे लाबा बेनानदान ह्राडला म्हेमेला रुपरी सुरक्षित ताबा गेताड स्होतोला ।
 - ☞ **ह्राड सञ्चारकर्मी हिन्ना बिदासी ह्राडदा डोसेना लास्युगो :** महामारीरी क्यारमर ब्राबारी ग्लेठिमसे लाबा प्रतिबन्ध देन नियमकादेसे लादासी खाबारी खाम्बा दुःडालकादेग्याम सोबारी ओम बिना खालासीसे आकाना ह्राडला गे लाबारी स्थानीय सुरक्षाकर्मी देन गेदिमग्याम तोबा आन्छारला इहाच्छान अनुमति किन्स्युगो ।
 - ☞ **स्यानबिमा ल्हानान आज्याबा थुमरी गे लाबारी वाड्बा म्हिक्कादेदा ज्याना लासी परिचालन लास्युगो :** ह्राडदेन मुबा गान्बाउमीमे देन स्वास्थ्य अवस्था आज्याबा मुबा ओम ह्रेड्बा दुआहीत्यान्दे आखाम्ना मन सोल्बान ज्योन्गाबा म्हि मुजी बिसाम थेनीकादेला अवस्थादा च्यादासी थेन्दा दिमग्यामसेन लाबारी खाम्बा गेकादे लापुड्स्युगो ।
 - ☞ **जोखिमला कोओबा गे लास्युगो :** यदि ह्राड नाम्सा दिमरी मुबा ह्युल्बाला गुड्डी गे लाबारी सेबान मुला बिसाम सम्बन्धित म्हीदेन ह्युल्बासे तेन्बा ठिम, स्यान नियमकादेदा ज्याना लासी गोसी गे लास्युगो । चु ह्राडला सुरक्षित ताबा खाप्पाभीबिमा गिक्छा ग्याम हिन्ना ।
 - ☞ **गे लाबा ग्ला देन गेदिम ज्याबा ओम सफा थान्स्युगो :** गेदिमला बेनान कोठाकादे किटाणुनाशक खुकु, सेनिटाइजरसे दुआदुआरीरी सफा लास्युगो ।
 - ☞ **माइक्रोफोनरी लाःबा काबा प्रविधि वा स्पन्ज थान्स्युगो :** चु उपकरणकादे संक्रमण कोबारी खाम्बा माध्यम हिन्ना । थेतासी थेला प्रयोग लाबालिच्छा माइक्रोफोनला स्पन्ज पोस्युगो । ह्राडला ओम स्यान ह्रोकादेला सुरक्षाला लागिरी जिम्मेवार तास्युगो ।
 - ☞ **लहेड्मो किन्सी जिन्बालिच्छा प्रयोग लाबा उपकरणकादे किटाणुरहित ताना लास्युगो :** ह्राडसे गे लाबाला ताड्डी किटाणु सिना लाबा मन मुबा क्वान प्रयोग लाबारी खाम्स्युला । उपकरणकादे क्लोरिनसे ज्याना लासी फ्यास्युगो । क्लोरिनला प्रयोगसे उपकरण न्होड्ना लाबारी खाम्ला । ह्राडसे किटानु सिना लाबा सेनिटाइजर देन स्यान तोबा मनकादे मनखाडरी ग्लुबारी खाम्स्युला ।
 - ☞ **रेडियोरी म्हेतो डिहबिमा ल्हाना म्हा अबास्युगो :** म्हेतो डिहाबिमा ल्हाना म्हि आबानान आताबा मुसाम चेक्खेन बास्युगो । खाप्पातामान म्हिला गुँडरी च्याडनारी गोडमा ब्लि इहा थारेडरी स्हुतासी चेक्खेन लहेड्मो लाबा, लहेड्मो लामा माक्स क्वान्दासी चेक्खेन स्टुडियो देन गेदिमरी वाड्पुड्स्युगो ।
 - ☞ **रेकर्डिड स्टुडियोरी गेताड आस्हेड्ना अनलाईनग्याम गेताड स्हेड्पुडगो :** रेडियोला गेताड संयोजकदेन काठुआी लादासी अनलाईनग्याम गेताड स्हेड्बा देन प्रसारण लापुड्स्युगो । ह्राड अनलाईनग्याम गेताड स्हेड्बारी आखाम्बा ग्लारी हिन्साम टेलिफोनग्यामसेन तासाआी गेताड स्हेड्बा स्यान ग्यामएनोन म्हाआीस्युगो । चु दिरी पिन्बा लिंकरी सेसाम रेडियो प्रसारण अर्थात् स्ट्रिमिडदा लागिरी तिलाआी ग्यामकादे याडबारी खामस्युला : www.giss.tv

चु बोरी, आदिवासी जनाजाति सञ्चारकर्मीकादेदा जिम्मेवार तासी हाडला गेरी वाड्बादा बिदासी विश्व स्वास्थ्य संगठन देन स्वास्थ्यलाफिरी मुबा विशेष वेभसाईटसे कोरोना भाइरस वा कोभिड-१९ महामारीला निर्देशनकादेदा तुन्बारी थाब्बा मुला ।

अपुष्ट ओम आतोबा तामसोरकादेदा वास्तन आलास्युगो । विश्व स्वास्थ्य संगठनसे आतोबा स्हेकादे ल्होलो सञ्चारमाध्यम देन स्यानग्याम लाबा प्रचारप्रसारदा 'इन्फोपेमिक' छिगसे व्याख्या लाबा मुला । आतोबा सूचना देन आतोबा स्हेकादेसे ह्युल्बाला सेमदा आज्याबा ताना लाला । थेसे लामा आतोबा ग्यालाम चुड्बारीनोन बाध्य ताना लाला । चुस्से बेनादान आज्याबा लाबारी खाम्ला । थेतासी ओराड्बा आतोबा ओम अपुष्ट तामसोरदा बेवस्ता लास्युगो ।

महामारीलाफिरी विश्व स्वास्थ्य संगठनसे पिन्बा सुभावा, देन्बा देन वैज्ञानिक तथ्यांककादेरीचे सेम दोन्गो । याद लास्युगो, हाड चु तामरी न्हा सेबागोबा म्हि हिन्ना न्हा बैज्ञानिक । थेतासी जनस्वास्थ्य विज्ञ, कोबा रोग विषेशज्ञ, नर्सकादे, भ्याक्सीन स्होबा विज्ञकादेला छ्यामरी महामारीला स्वास्थ्यकर्मीकादेला अनुसन्धानसे चेक्खेन चु महामारी देन चुल्ला बैज्ञानिक पक्षकादेलाफिरी पाड्बारी खाम्ला ।

आदिवासी जनजातिकोदेसे उओमा दाडबो ह्यान्दे लासी खाबा मन देन थेन्से लाबा गेलाफिरी बेनादान थेना लास्युगो । आदिवासी जनजातिकादेदेन चुराड्बा महामारीदेन छेबारी खाम्बा उओमा दाड्बोह्यान्देन सोल्बा छ्योओबा लाबा स्हेकादे देन जडिवुटि मनलाफिरी थाहा मुला । थेतासी आदिवासी जनजातिला थेराड्बा स्वास्थ्यकर्मी देन थेलाफिरी सेबागोबा म्हिकादेदेनछ्याम उओमा दाड्बोरी सोल्बा छ्योओबा लाबा मन देन थेन्से प्रयोग लाबा स्यान स्हेकादेलाफिरी रेडियोरी ल्हेड्मो लास्युगो ।

हाडला ह्युल्बासे गोबा ग्योओी देन ह्युलला बेनासेन गोबा ग्योओीरी सूचनाकादे प्रसारण लास्युगो । सूचनादा ह्युल्बासे म्हान्बा हाड्बा स्होस्युगो । आदिवासी जनजातिकादेला आमा ग्योओीरी थेन्से गोबा लासी, सेना गोनागी ओम छोर्वा खाना लाबा सान्युरकादे प्रसारण लास्युगो । हाडला ग्योओी पाड्बारी सेबा म्हि आरेजी बिसाम सेबा म्हि म्हाओीदासी थेन्ना हाड्लान ग्योओीरी सान्युरकादे प्रसारण लास्युगो । नाम्सादिमरी प्रचारप्रसार लाबारी ल्हानान सूचनाकादे स्हेड्सी जिन्बारी खाम्ला । थे सूचनाकादेदाओी प्रचारप्रसार लास्युगो । चु छ्योओीला लिच्छारी हाडदा महामारीला तोबा जानकारीदा लागिरी वेभसाईट देन लिंककादे थाब्बा मुला ।

सामाजिक कलंकग्याम सोस्युगो । भाइरस थोन्बाला आधाररी, ल्हाना हाड्बा सञ्चारमाध्यमकादेसे चुत्ता 'चाइनिज भाईरस' बिदासी पाड्बा लाबा मुला । चुस्से एसिला म्हिकादेदा लागिरी आज्याबा ताना मुला । जातिवाद देन नश्लवाददा जाम्बुलिडरीन ठाम्ना लाबारी ह्यो लाबा मुला । ल्हानान थुमरी मुग्लानग्याम गे लासी दोकाबा म्हिकादेदा तोबा ग्याड्बा ओम लेबाफेबा लाबा मुला । थेतासी ग्योओी दाम्मा ओम पाड्बा लामा ज्याना लासी दाम्बारी खाम्तोला । तिल्दा बिसाम खालाओी म्हिला राष्ट्रियता, चाबा स्हेला प्राथमिकता, आप्रावसनला अवस्था देन स्वास्थ्यला अवस्थादा किटान लासी आपाड्स्युगो वा थेराड्बा विशेषणकादे आथानस्युगो ।

मानवअधिकारलाफिरी छोर्वा खाना लाबा गेताड्कादे स्हेड्स्युगो । कोभिड-१९ महामारीरी मुग्लानरी मुबा म्हि, आखाम्बा देन थेनीकादेला दिम म्हेमे ओम तिलाओी आताबा म्हिकादेदान आक्रमण ताबारी खाम्बासे थेनीकादेदा सोना लाबारी मानवअधिकार सम्बन्धी गेताड्कादे स्हेड्स्युगो । आपतकालिन



तिलाळी ग्लारी बन्दाबन्दीदा थुम्ना
लाबा बिबा कोभिड-१९ महामारी
जिन्जी बिबा आहिन बिदासी गौना
लास्युगौ । स्वास्थ्यकर्मीकादेसे
पिन्बा सुभावाकादेदा ज्याना लासी
ड्यान्बारी अनुरोध लास्युगौ ।

9



सञ्चारला लागिरी दुआी फेस्युगो । रेडियोरीग्याम
मानव अधिकारदा नाडसाम खालाळीदा ज्याबा
तासेदा आरे बिबा द्वाडबा सान्युरकादे प्रचारप्रसार
लाबारी दुआी देन ग्ला फेस्युगो ।

- ☞ महामारीरी दातेन मन लासी ह्याना लाला बिबा द्वाडबा
आतोबा स्हेकादे तेबा तेन प्रसारण आलास्युगो ।
यदि खालाळीसे चु मन लासाम दातेन ह्याला बिबा
द्वाडबा ताम लाला बिदासी पाडला बिसाम, पत्रकार
देन सञ्चारकर्मीसे थेराडबा तामरी प्रश्न लातोला ।
थेराडबा प्रश्नसे म्हिदा आतोबा खालला जानकारी
देन प्राकृतिक ओम दाडबोला मन देन दातेला
मनला फिरी तिला ल्होलो मुला बिबा तामरी फेबरी
खाम्तोला ।
- ☞ म्हिला अस्तित्वला सिद्धान्तला आधाररी प्रचारप्रसार
लास्युगो । यदि खालाळी म्हिदा रोगसे स्याप्जी
बिसाम वा कोभिड-१९ से स्याप्सी सिजी बिसाम, होजा
म्हि देन होजा म्हिला दिमम्हेमेसे नाःतोबा दुःडालदा
च्याडना ताना लाबारी द्वाे लास्युगो । संवेदनशील
तासी जक्कि थेदा दुःडाल आकाप्पा लासी ल्हेड्मो
लास्युगो । ल्हेड्मो लामा दुःडालरी मुबा म्हिला ग्लारी
द्वाड्दा थान्दासी च्यास्युगो ।
- ☞ ह्युल्बारी मुबा सूचनाकादेदा प्रचारप्रसार लास्युगो ।
ह्युल्बारीनोन सूचना पिन्बा आधिकारिक म्हि खाला
हिन्ना बिदासी डोसेसी म्हाळीस्युगो । महामारीदा
काबारी ल्हेबा गोडमाकादेलाफिरी याम्बु, जोड
देन ह्युल्बाला तहरी सम्पर्क लास्युगो ओम प्रचार
लास्युगो । होजा दुआीरी तिला तिला गेकादे लाबारी
आता बिदासी पाड्बा मुला, थेलाफिरी काठुळी
लासी कोळीबा गे लास्युगो ।
- ☞ डान्स्युगो, रेडियो, रोगसे स्याप्पा म्हिकादेदा लागिरी
परिक्षण तिल्दा लातोला ओम रोगला लक्षण ग्राडबा
म्हिकादेदा छोर्वा खाना लाबा गोर्कि माध्यम हिन्ना ।

रोगग्याम सोबारी परिक्षण लानोन तोला बिदासी रेडियोसे
छोर्वा खाना लाबारी द्वाे लाबारी खाम्ला ।

१.२ ह्युल्बाला ठिमदा ल्हेना लाबारी द्वाे लास्युगो

- ☞ बन्दाबन्दी अर्थात दिमन्हाडरी टिबा म्हिकादेरी
गीसेमगीदा द्वाे लाबा सेम ल्हेना लाबा गे
लास्युगो । दिमम्हेमेला गे ओम दिमला गेकादे
जुबालाफिरी सुभावा दोन्स्युगो । उळीमाह्यान्दे
गान्बा उळीमेसे सुड्बा ल्हेड्मो देन ड्यान्बा ठिमला
प्रचारप्रसार लास्युगो । महामारीसे लाबारी खाम्बा
मानसिक असर देन प्रभावदा च्याडना ताना लाबारी
स्यान गेकादे लाबारी द्वाे लास्युगो ।
- ☞ ब्योनकादे देन लाळीनुकोलाजुगुला लोप्वाड डुड्बासे
लादासी थेन्दा ताबा असरदा च्याडना ताना लाबा
ओम थेन्दा लोप्पारी ताबा द्वाडबा रेडियो गेताडकादे
स्होस्युगो ।
- ☞ ब्योनकादे देन लाळीनुकोलाजुगुदा रेडियो तोदे
प्रयोग लाबारी ओम रेडियोग्याम छार छार स्हेकादे
लोप्पारी द्वाे तागाळी बिदासी शिक्षा अधिकारीकादेदा
ड्होळीस्युगो ।
- ☞ तिलाळी ग्लारी बन्दाबन्दीदा थुम्ना लाबा बिबा
कोभिड-१९ महामारी जिन्जी बिबा आहिन बिदासी गोना
लास्युगो । स्वास्थ्यकर्मीकादेसे पिन्बा सुभावाकादेदा
ज्याना लासी ड्यान्बारी अनुरोध लास्युगो ।
- ☞ ह्युल्बादा रेडियोग्याम सेमछुना लास्युगो । ज्याबा ओम
सेमछुबा ह्वाळीकादे द्वापस्युगो । महामारीला दुआीरी
ड्यान्खेनदा तोदे सेमछुना लास्युगो । ओदेचे आहिन
दुःडालला दुआीरीनोन ज्याबा स्हेकादे म्हाळीदासी
तिलाळी दुआीदा हिन्नाळी ड्यान्खेनदा लोड्बा स्योड
म्लेना लाबारी द्वाे लास्युगो ।
- ☞ ह्युल्ला साँध, बजार देन सार्वजानिक यातायात
आयाड्बा ताबासे चाबा स्हेला दुःडालदा च्याडना



ह्युल्ला साँध, बजार देन सार्वजानिक
यातायात आयाड्बा ताबासै चाबा
रहेला दुःडालदा च्याड्ना ताना लाबारी
ह्युल्लबारी गीसेमगीदा ह्यौ लाबारी ओम
ह्याड्चा मुबा चाबा रहेकादे गीसेमगी
जुसी चाबारी ह्यौ लास्युगौ ।

9

ताना लाबारी ह्युल्लबारी गीसेमगीदा ह्यौ लाबारी ओम
ह्याड्चा मुबा चाबा रहेकादे गीसेमगी जुसी चाबारी ह्यौ
लास्युगौ ।

- ☞ कोरोना भाइरस देन खाबा रेकादेरी खाबारी खाम्सेदा
स्यान महामारीसे लादासी चाबासहे आयाड्बाग्याम
सोबारी, ह्युल देन ह्याड्ला ल्हुओ सोना लाबारी
बालीनाली देन दोडकादे सुबारी ह्यौ लास्युगौ ।
दिम महेमेला बेनान मुल्मीकादेदा जाजाबन तासाओ
महेन्दोला डिही स्होबारी सुभावा दोन्स्युगौ ।
उओमाह्यान्दे नाम्सा दिमरीन याड्बा ब्लुकादे सुबारी
ह्यौ लास्युगौ ।
- ☞ ह्युल्लबारी गीसेम गीरी ह्यौ लाबा देन लापुड्बा,
बेनादान ग्लागीरी ताना लाबा ओम खाप्पाओ
दुःडालदा ब्रेना लाबारी खाम्ला बिबा ह्याड्बा तामदा
प्रोत्साहन लास्युगौ ।

- ☞ ह्युल्लबादा ज्याना लासी स्ह्युबारी खाम्बा ग्यामकादेदा
चुड्बारी सुभावा दोन्स्युगौ । डेबोग्यामसेनोन रोग
कोःबारी खाम्ला बिदासीनोन ह्युल्लबाला पाड्स्युगौ ।
- ☞ ह्याड्ला ल्हुओलीला रोगदेन छेबारी खाम्बा खालला
क्षमता ल्हेना लाबा ह्याड्बा रहेकादे सोल्लबारी ओम
आदिवासी जनजातिला उओमाह्यान्देन सोल्सीकेन
ज्योन्गाबा रहेकादेसे म्हिला ल्हुओलीदा ज्याबा ताबारी
खाम्ला बिबा रहेकादे थान्दासी रेडियो गेताड्कादे
स्होसी प्रसारण लास्युगौ । उओमा दाड्बो ह्यान्दे
सोल्सी ज्योन्गाबा रहेकादे सोल्मा ल्हाना दिड्दोना
सोबारी खाम्बा टिम बिदासी ह्याड्से ह्याड्लान
आखेमामदा च्यादासीनोन थाहा याड्बारी खाम्ला ।

ooo

१.३. वेवसाइटपुकि

कोभिड-१९ लाफिरी आदिवासीकादेला ह्याड्लान ग्योओरी स्हेड्बा गेताड्कादे कल्चरल सर्भाइभलला इन्डिजिनियस
राईट्स रेडियोला वेवसाईटरी याड्बारी खाम्ला ।

Cultural Survival : https://rights.culturalsurvival.org/radio-spots-search/field_radio_series/COVID-19-85/language/en/language/und




कोभिड-१९ लाफिरी तोबा रहेकादे विश्व स्वास्थ्य संगठन ला वेवसाईटरी याड्बारी खाम्ला ।

World Health Organization <https://www.who.int/es>

कोभिड-१९ ला फिरी तोबा रहेकादे पत्रकारकादेला अन्तर्राष्ट्रिय सञ्जालरीनोन याड्बारी खाम्ला । International Journalists'
Network: <https://ijnnet.org/en>

खोज पत्रकारकादेला विश्व सञ्जालला वेवसाईटरीनोन च्याबाबारी खाम्ला ।

Global Investigative Journalism Network: <https://gijn.org/gijn-en-espanol/>



Cultural Survival

2067 Massachusetts Avenue
Cambridge, MA 02140
(617) 441-5400
www.culturalsurvival.org



Tamang Indigenous Language, Nepal

Coordination : **Dev Kumar Sunuwar**

Translation : **Jagat Man Lama**

Layout : **Laxman Sunuwar**